

L U D O V I C O

VICTORI ET REDIVIVO,

Cùm Vir Clarissimus M. CAROLUS LE BEAU,
Eloquentiæ Professor in Grassinæo, Uni-
versitatis Parisiensis jussu & nomine, resti-
tutam REGI Valetudinem Publicâ Ora-
tione gratularetur.

C A R M E N.

1. 2. 3. 4. 5. 6. 7. 8. 9. 10.

11. 12. 13. 14. 15. 16. 17. 18. 19. 20.

21. 22. 23. 24. 25. 26. 27. 28. 29. 30.

31. 32. 33. 34. 35. 36. 37. 38. 39. 40.

41. 42. 43. 44. 45. 46. 47. 48. 49. 50.

51. 52. 53. 54. 55. 56. 57. 58. 59. 60.

61. 62. 63. 64. 65. 66. 67. 68. 69. 70.

71. 72. 73. 74. 75. 76. 77. 78. 79. 80.


81. 82. 83. 84. 85. 86. 87. 88. 89. 90.

91. 92. 93. 94. 95. 96. 97. 98. 99. 100.

101. 102. 103. 104. 105. 106. 107. 108. 109. 110.

111. 112. 113. 114. 115. 116. 117. 118. 119. 120.

121. 122. 123. 124. 125. 126. 127. 128. 129. 130.



LUDOVICO

VICTORI ET REDIVIVO,

Cùm Vir Clarissimus M. CAROLUS LE BEAU,
Eloquentiæ Professor in Grassinæo, Uni-
versitatis Parisiensis jussu & nomine, resti-
tutam REGI Valetudinem Publicâ Ora-
tione gratularetur.

C A R M E N.



NDIQUE dum festis resonat concen-
tibus æther,

Et sua solemni diffundit gaudia plausu
GALLIA, dum sacro fumant pia templa
vapore,

Dumque exultat ovans studiorum Academia Mater:

Quid moror in lætos pariter prorumpere cantus?

PRINCIPIS in laudem quem non rapit æmulus ardor!

An nos tot vates inter siluisse decorum!

Fas ah! Lætitiâ testari grandibus ausis?

Si dignum nil Musa sonet conatibus impar,

Laus fuerit teneros animi depromere sensus!

A ij

Marte subacta Tuo quantum decus oppida nuper
 MAXIME REX peperêre Tibi, quâ Belgicus arva
 Pinguia Lyfa rigat. Licet undiquè plumbeus imber
 Ingruat, & strictis acies mucronibus instet:
 Ærea, flammatas licet ejaculantia glandes,
 Mille vomant rapidas tormenta tonantia mortes:
 Horrifico exuperat fossas murosque tumultu
 Gallus, & imponit Tua Lilia mœnibus altis:
 Equis enim stimulus mavortia corda fatiget
 Nobilior, quàm REX testis fociusque laborum:
 Dilecti hortatrix urget præsencia REGIS;
 Continuò impavidus per aperta pericula miles
 Irruit, & pulchram quærit per vulnera laudem.

Nec satis est quod tam plaudit Tibi Belgica Tellus:
 Ecce volas, PRINCEPS, quò cura salusque Tuorum
 Te vocat: invicto PROAVUM qui Marte tonantem
 Obstupuit toties Rhenus trepidantibus undis,
 Et quid Marte Tuo valeant nostra agmina, discet.
 Incertis nempè elatus successibus Hostis,
 Sperat francigenos se posse invadere fines,
 Demens! Te celeri antevolat Victoria gressu...
 Sed quò præcipitem Te nobilis abripit ardor?
 Cerne triumphantem quæ Te discrimina cingant?
 Cerne quid infausi crudelia fata minentur?
 En furit anguineos quatiens Discordia crines:

» Vincor ego , exclamat , quæ spes mihi denique restat ?
» Armorum insanos , video , cõhibere furores
» Heu ! properat PRINCEPS ; mihi nec prohibere potestas ;
» Ne LODOIX victor pacem bonus imperet orbi.
» Quid faciam ? ... Quò me convertam Acheronta
movebo.

» Quid refert quibus insidiis , quâve arte triumphem ?

Dixit , & Eumenidum sedes , Stygiamque paludem
Dira fremens petit , & primis è faucibus Orci
Evocat horrendum deformi corpore Monstrum ,
Cui torva ardenti scintillant lumina vultu.
Paret , & exhalat RECI lethale venenum :
Proh dolor ! accisos Febris depascitur artus :
Dum caput augustum venerantur fulmina belli ,
Exitium fatale parat : spes nulla salutis
Jam superest ; urget duræ inclementia mortis.
Dejecta ingenti miscetur GALLIA luctu ,
Et cum REGE suo pariter decumbit , & uno
Componenda simul feretro tumuloque videtur.

Hic æquare Tuos namquis REGINA , dolores
Quisve Tuos fando , PROLES ô REGIA , possit.
At forti PRINCEPS animo videt ultima ; nostra
Tantum fata dolet , proprii immemor ipse pericli.
Quàm Tua ferali , LODOIX , non fracta dolore
Te Magnum attonitis monstrat Constantia GALLESÆ

Arbiter Omnipotens qui grandia fata gubernas,
 Victima si qua Tibi mactanda est: justa furoris
 Ah! caput in nostrum vibres Tua tela, precamur?
 Fortunata nimis rediment quæ funera REGEM!
 Virtutum ecce cohors adstat veneranda tribunal
 Ante Tuum: Te cælesti spectabilis ore
 Relligio, & pendens æquato examine cuncta
 Justitia, & placidam bona Pax amplexa Sororem,
 Te sincera Fides mendacis nescia fuci,
 Te flexis genibus miti Clementia fronte,
 Implorant. Cælum precibus lacrymisque fatigat
 Gens omnis, tenerum sibi PATREM quisque reposcit.
 Dum locus est fractis affer solatia rebus?

Audimur. Vivit PRINCEPS, rediviva resurgit
 GALLIA, & æternas solvit pro munere grates.
 Ergò jam LODOIX, Tua quid non inclyta, Cælo
 Auspice, perficiet virtus omni objice major.
 Nam veluti torrens rapido qui vortice sylvas
 Præcipites trahit, oppositâ si mole tumentes
 Sistantur fluctus; factus violentior, undas
 Altiùs attollit; retinet vis nulla furentem.
 Haud aliter, LODOIX, emergens fortior, ardet
 Compensare moras quas attulit improba Febris.
 Majores parat assultus: proh quanta minatur!
 BORBONIUM timeas, Hostis, fugiasque Leonem?

Jam timer, & retrò præceps vestigia torquens ;
Per juga , per sylvas , instantibus undique Gallis ,
Ecce relegit iter , non ausus tendere contrà
Austriacus ; trepidant jam magni horrenda Friburgi
Munimenta , suis mox edoctura ruinis
Quid valeat REGIS sub amico sydere Gallus.
Scilicet humanos ut mens diffusa per artus ,
Totam agitat molem , viresque animosque ministrat :
Sic Tua se cunctis , LODOIX , benè prodiga virtus
Insinuans , addit stimulos , & pectora firmat.

Italiae Tellus nostris tot plena trophæis ,
Sensit ut illa Tuos stimulet Mavortia virtus :
Aereâ quamvis audax pugnator ab arce
Mille rubente manu jaculetur fulmina ; quamvis
Insidâ erumpens è terrâ flamma sepulchrum
Sulphureum referet : mora nulla , per arma , per ignes ,
Per saxa , anfractusque locorum , aditusque malignos ,
Cædibus in mediis , naturâ major & arte ,
Tentat iter Gallus ; jamque horrida mœnia nutant ,
Obsessæque tremunt præruptis rupibus arces ;
Hactenùs invictæ , vinci se posse fatentur
Fulmine Gallorum : tandem caput ecce superbum
Demittunt Alpes , atque indignantia subdunt
Culmina , miranturque assurgere Lilia Cælo ,
Testes CONTIACO quid possit sub Duce Miles.

Teque, PHILIPPE, canam pulchro qui sanguine fulges
 BORBONIDUM, Hispanæ Columenque & Gloria Gentis?
 Quem latè Alpini montes vidêre ruentem
 Impetè fulmineo, obstâtes perrumpere turmas.
 Ardua dum properas Magnorum ad facta Parentum
 Maeste animo? Nil non virtus, curæque sagaces
 Expedient; Majorum in Te rediviva refurgunt
 Semina, & Heroum vestigia passibus æquas.

Sed Tu Deliciæ, LODOIX, Tu Gentis Amores,
 Vive diù felix? Te non impunè laceffi
 Invida Gens discat fastus oblita priores?
 Omnibus at titulis, tinctisque cruore trophæis
 Anteferas Patriæ nomen prædulce Parentis?
 Auspice Te positis surgant Saturnia bellis
 Sæcula, in Europæ revolet Pax aurea fines,
 Et stabili infensas jungat fœdere Gentes:
 PACIFERUMQUE sonet Te totum Fama per Orbem.

FRANCISCUS-MARIA COGER,
 è Collegio Mazarinæo.

Cum Permissu, die 28 Nov. anno Domini 1744.
 FEYDEAU DE MARVILLE,

Ex Typographiâ THIBOUST, REGIS, nec-non Academiæ Parisiensis
 Typographi 1744.